



CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E AS UNIVERSIDADES DE SANTIAGO DE COMPOSTELA, DA CORUÑA E DE VIGO, PARA O FINANCIAMENTO DO PROXECTO DE DEMOCRATIZACIÓN DO COÑECEMENTO NO EXERCICIO 2023

Santiago de Compostela, 4 de setembro de 2023

REUNIDOS

Dunha parte:

Dona Fabiola García Martínez, na súa condición de conselleira de Política Social e Xuventude, nomeada polo Decreto 60/2022, do 15 de maio, en uso das facultades que lle veñen atribuídas no artigo 34 da Lei 1/1983 do 22 de febreiro, de normas reguladoras da Xunta e da súa Presidencia, así como no Decreto 59/2023, do 14 de xuño, polo que se establece a estrutura orgánica da Xunta de Galicia, e no Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude e no establecido no Acordo do Consello da Xunta de Galicia, do 27 de marzo de 1991.

Doutra parte:

Don Antonio López Díaz, reitor magnífico da Universidade de Santiago de Compostela, que actúa en nome e representación dela en virtude do Decreto 35/2022, de 17 de marzo, do seu nomeamento, e polas facultades conferidas polo artigo 50 da Lei orgánica 2/2023, de 22 de marzo, pola que se regula o sistema universitario, e polo Decreto 14/2014, do 30 de xaneiro, polo que se aproban os estatutos da Universidade de Santiago de Compostela, con NIF Q1518001A e sede social no pazo de San Xerome, praza do Obradoiro de Santiago de Compostela.

Don Julio Ernesto Abalde Alonso, reitor magnífico da Universidade da Coruña, con NIF Q6550005J, en nome e representación dela, en virtude do nomeamento efectuado segundo o Decreto 5/2020, de 9 de xaneiro, no exercicio das competencias que lle outorga o artigo 50 da Lei Orgánica 2/2023, de 22 de marzo, pola que se regula o sistema universitario, e no artigo 36.1.f) dos Estatutos desta universidade aprobados polo Decreto 101/2004, do 13 de maio, e modificados polo Decreto 194/2007, do 11 de outubro.

Don Manuel Joaquín Reigosa Roger, Reitor Magnífico da Universidade de Vigo, con NIF Q8650002B, nomeado segundo o Decreto da Comunidade Autónoma de Galicia 110/2022, do 9 de xuño, publicado no Diario Oficial de Galicia (DOG) nº 117, do 20 de xuño de 2022, de acordo coas competencias que lle outorga o artigo 50 da Lei orgánica 2/2023, de 22 de marzo, pola



que se regula o sistema universitario, e o artigo 29 dos Estatutos da Universidade de Vigo, aprobados polo Decreto 13/2019, do 24 de xaneiro, e publicados no DOG nº 38, do 22 de febreiro do 2019; con enderezo no Edificio Exeria, campus universitario, 36310 Vigo.

Interveñen en función dos seus respectivos cargos e no exercicio das facultades que para convir no nome das entidades que representan teñen conferidas

EXPOÑEN

Primeiro.- Que o Estatuto de autonomía de Galicia, no seu artigo 27.23 confírelle á Comunidade Autónoma de Galicia a competencia exclusiva en materia de asistencia social, sendo transferidas estas competencias polo Real decreto 258/1985, do 23 de xaneiro, e asumidas pola Xunta de Galicia segundo o Decreto 54/1985, do 21 de marzo.

Segundo.- Que a Consellería de Política Social e Xuventude é o órgano superior da administración autonómica ao que lle corresponde as competencias en materia de asistencia social, conforme ao Decreto 124/2022, do 23 de xuño, polo que se establece a súa estrutura orgánica Correspóndelle a dita consellería propoñer e executar as directrices xerais do goberno no ámbito do benestar que engloban, entre outras, as competencias en materia de servizos sociais incluíndo as políticas de familia, menores, benestar social, inclusión social, servizos comunitarios, atención ás persoas con discapacidade e ás persoas maiores, a promoción da autonomía persoal e a atención ás persoas en situación de dependencia.

Terceiro.- A Consellería de Política Social e Xuventude e as Universidades de Santiago de Compostela, da Coruña e de Vigo consideran de interese que as persoas maiores, debido ao aumento da esperanza de vida e que a meirande parte delas gozan de boa saúde, poidan compartir coa sociedade as súas experiencias e ao mesmo tempo acadar novos coñecementos. De igual forma recoñecen a necesidade de crear e potenciar as actividades educativas, culturais e formativas que lles faciliten ás persoas maiores o seu desenvolvemento persoal e social. Para alcanzar esta finalidade, cómpre establecer mecanismos axeitados para a realización de accións concretas e obter a maior eficacia.

Cuarta.- Aos efectos da concesión directa dunha subvención pública de conformidade co previsto no artigo 26.2 apartado a) da Lei 9/2007, do 13 de xuño, de subvencións de Galicia, as Universidades son entidades públicas dotadas de personalidade xurídica e patrimonio propio, que gozan de autonomía, de acordo coa Constitución e a Lei orgánica 2/2023, de 22 de marzo, pola que se regula o sistema universitario e a Lei 6/2013, do 13 de xuño, do Sistema universitario de Galicia, ás que lles corresponde, no ámbito das súas competencias, o servizo público da educación superior, mediante a investigación, a docencia e o estudo.

Son funcións da universidade ao servizo da sociedade, entre outras, a creación, desenvolvemento, transmisión e crítica da ciencia, da técnica e da cultura, a preparación para o exercicio de actividades profesionais que esixan a aplicación de coñecementos e métodos científicos e para a creación artística e especialmente a difusión do coñecemento e a cultura a través da extensión universitaria e a formación ao longo de toda a vida, dispoñendo da experiencia, capital humano e medios axeitados para desenvolver os fins que se pretenden co fomento a través deste convenio.

En data 23 de abril de 2018 asinouse polos tres reitores das Universidades galegas un acordo para constituír a Rede Galega de Programas Universitarios para Maiores (REGAPUM)) co fin de afrontar desde o eido universitario os retos que o envellecemento da poboación do noso país teñen formulado e acadar obxectivos comúns na aprendizaxe ao longo da vida. O Proxecto Democratización do Coñecemento encádrase dentro da dita Rede Galega de Programas Universitarios para Maiores (REGAPUM).

O proxecto de democratización do coñecemento presenta certas peculiaridades en relación ás propostas desenvolvidas por outros centros universitarios. Trátase de actividades formativas e de extensión cultural desde os Programas Universitarios para Maiores das Universidades de Santiago de Compostela, da Coruña e de Vigo, destinado ás persoas de máis de 50 anos, que por diferentes motivos, entre outros os xeográficos e económicos, non poden asistir aos devanditos programas de formación para maiores nas instalacións universitarias en cada unha das súas sedes oficiais.

As actuacións subvencionables que forman parte do proxecto obxecto deste convenio axustaranse a unha metodoloxía de corte participativa e aberta onde os docentes universitarios desenvolveran varias sesións de docencia, teóricas unhas, de conferencia/seminario onde se pretende favorecer o dialogo e participación dos asistentes, e outras prácticas con actividades de visita guiada e obradoiros, entre outras, sendo unhas de corte máis humanístico, outras máis científicas e outras artísticas, dependendo das comarcas nas que se leva a cabo o programa .

Co proxecto de democratización do coñecemento conxunto das tres universidades, colaboran activamente distintas administracións públicas de ámbito local, casa da cultura ou centro sociocultural do municipio participante, a través da posta a disposición das instalacións necesarias para o desenvolvemento do dito proxecto .

Quinta.- Tendo en conta, por un lado a especificidade dos programas formativos a impartir , o colectivo ao que vai dirixido, persoas maiores de 50 anos e o ámbito xeográfico de actuación, e

por outro, a ausencia de entidades alternativas no ámbito territorial de aplicación que dispoñan da infraestrutura material e medios humanos esixibles e a súa adecuación ao ámbito competencial da Consellería de Política Social e Xuventude, conforme ao previsto no Decreto 124/2022, do 23 de xuño, considéranse razóns que acreditan o seu interese social e queda xustificada a imposibilidade de promover a concorrência pública en aplicación do artigo 19.4.c da Lei 9/2007 do 13 de xuño, e do artigo 40 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño de subvencións de Galicia.

A Consellería de Política Social e Xuventude e as Universidades de Santiago de Compostela, da Coruña e de Vigo recoñecen a necesidade de crear e potenciar as actividades educativas, culturais e formativas que faciliten ás persoas maiores o seu desenvolvemento persoal e social.

Por todo elo, as partes comparecentes, na representación que ostentan,

ACORDAN

Asinar o presente convenio de colaboración en base ás seguintes

CLÁUSULAS

PRIMEIRA. *Obxecto*

O presente convenio ten por obxecto establecer a colaboración entre a Consellería de Política Social e Xuventude e as Universidades de Santiago de Compostela, da Coruña e de Vigo para o desenvolvemento do proxecto de democratización do coñecemento.

O obxectivo principal deste proxecto é favorecer a democratización do coñecemento potenciando e difundido o coñecemento científico e artístico a toda a poboación maior de cincuenta anos das comarcas nas que se desenvolverá o dito proxecto. Con este fin desenvólvense accións específicas que se concretan en catro obxectivos:

- a) Concienciar, ensinar e aprender da presenza da ciencia no día a día nas nosas vidas para revalorizar e profundar no valor do noso patrimonio.
- b) Recoñecer o valor das disciplinas artísticas nas nosas emocións e vivencias.
- c) Adaptar e coñecer as competencias socio-sanitarias dos principios de envellecemento activo.
- d) Acadar unha mellora da calidade de vida, do benestar e da participación a través do exercicio intelectual que require este tipo de formación.



O proxecto desenvolverase ao longo de 2023 comprendendo a parte correspondente dos cursos académicos 2022-2023 e 2023-2024, coas actividades formativas e de extensión cultural, descritas na cláusula seguinte, dende os Programas universitarios para maiores das tres universidades, para as persoas de mais de 50 anos que, por diferentes motivos, xeográficos ou económicos, entre outros, non poden asistir ao devandito programa de formación nas instalacións universitarias, en cada unha das súas sedes oficiais.

SEGUNDA. Actuacións subvencionables

1. As sesións formativas desenvolveranse en distintos espazos xeográficos de cada unha das comarcas que se relacionan:

a) Na provincia da Coruña desenvolverase nas Comarcas do Barbanza, Santiago de Compostela, Betanzos, Bergantiños, Terra de Soneira, Sar, Eume e Ortegal.

b) Na provincia de Pontevedra realizarase nas Comarcas de Tabeirós-Terra de Montes, Val Miñor, Deza, Salnés e Morrazo.

c) Na provincia de Ourense nas Comarcas do Carballiño, Allariz, Terra de Celanova, Limia, Baixa Limia e Verín.

d) Na provincia de Lugo nas Comarcas do Ulloa, Mariña Occidental, Mariña Central, Mariña Oriental, Sarria, Terra Chá e Lemos.

2. As actuacións que formarán parte do proxecto por cada unha das universidades serán as seguintes:

a) Contidos do proxecto da Universidade de Santiago de Compostela:

1º. O Papel das Familias na Educación.

2º. O Cine do cotiá: un achegamento á práctica documental.

3º. Dando Luz ao Románico. Escoitando o falar das imaxes petrificadas.

4º. Enerxías renovables.

5º. Criminoloxía, Vitimoloxía e Políticas Públicas de apoio ás vítimas de delitos.

6º. Simboloxía das Cores.

7º. Escribir a nosa historia.

8º. As estrelas e as súas constelacións.

9º. Introducción á Criminoloxía.

10º. Gótico Mariñeiro.



11º. O novo reto Socioeconómico.

12º. O sono e os seus trastornos.

13º. O testamento vital.

14º. Lectura de facturas e reclamacións.

15º. A auga como terapia.

16º. Propostas teórico prácticas contra a soidade non desexada.

A Universidade de Santiago desenvolverá o seu proxecto nos concellos de Lalín, A Estrada, Silleda, Vilagarcía, Cambados, Viveiro, Mondoñedo, Monterroso, Monforte, Xermade, Chantada, Taboada, Vilalba, Antas de Ulla, Sarria, Sober, Palas de Rei, Xinzo de Limia, Bande, Laza, Verín, Ribeira, Pobra do Caramiñal, Rianxo e Boiro.

b) Contidos do proxecto da Universidade da Coruña:

O Programa de Formación Universitaria para Maiores de 50 anos a desenvolver de cara a esta 5ª edición nas diferentes comarcas e localidades busca revalorizar o patrimonio cultural, social e ambiental da zona, concienciar á sociedade sobre a presenza da ciencia no día a día, e recoñecer o valor das disciplinas artísticas a través do coñecemento e as vivencias. Este percorrido farase a través de diversas grandes áreas temáticas: Humanidades e Ciencias Sociais, Ciencia e Tecnoloxía e Ciencias da Saúde.

O programa a impartir consta de tres módulos xenéricos. Nas comarcas de Costa da Morte e Betanzos e no concello de Arteixo, estes son:

1º. Arte e sociedade.

2º. Ciencia e Tecnoloxía.

3º. Saúde e benestar.

Na comarca do Eume e Ortegal son:

1º. Arte e humanidades.

2º. Ciencias e Tecnoloxía.

3º. Ciencias da saúde.

A Universidade da Coruña desenvolvera o seu programa completo no ano 2023 nos seguintes concellos: Cabana de Bergantiños, Camariñas, Carballo, Carnota, Cee, Coristanco, Corcubión, Dumbría, Fisterra, A Laracha, Laxe, Malpica de Bergantiños, Mazaricos, Muxía, Ponteceso, Vimianzo, Zas e nas comarcas de Bergantiños, Terras de Soneira, Fisterra e Xallas.



c) Contidos do proxecto da da Universidade de Vigo a desenvolver nos seguintes seminarios:

1º. Un percorrido patrimonial pola historia do Concello de Lalín.

2º. O teléfono móbil. Configuración básica. WhatsApp e Videochamadas. Lecturas código QR. Aplicacións de banca electrónica e pago.

3º. Outras aplicacións. Calendarios de vacinación e medicacións. Petición de citas médicas. Localización de persoas.

4º. Importancia de coñecer as cuestións básicas que rodean a fiscalidade, entre outras, tratamento das herdanzas, plans e fondos de pensións, imposto de bens inmobles, plusvalía municipal.

5º. Alimentación e saúde.

6º. Conceptos básicos. Física e Universo: o movemento e o tempo. A luz. Sistema Solar.

7º ¿A soidade é sempre mala?.

8º Arquitectura, arte e historia de Covelo.

9º. Xestión de redes Sociais.

10º Pilates Sénior.

A Universidade de Vigo desenvolverá o seu programa completo no ano 2023 nas Comarcas que a continuación se enumeran: Deza, Allariz, A Paradanta, Celanova e O Morrazo.

TERCEIRA. Obrigas e documentación inicial

En virtude do disposto na Lei 38/2003, do 17 de novembro, xeral de subvencións e no Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, Xeral de Subvencións; na Lei 9/2007, do 13 de xuño, de subvencións de Galicia e no Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, as entidades beneficiarias presentarán, con carácter previo á sinatura do convenio e xunto co programa de actividades a desenvolver, a seguinte documentación:

a) Declaración comprensiva de todas as axudas e subvencións solicitadas ou concedidas para o mesmo proxecto, ou, de ser o caso, unha declaración de que non solicitaron nin percibiron outras axudas ou subvencións.



b) Declaración responsable, subscrita polos representantes das entidades, de non estar incurso nas prohibicións para obter a condición de beneficiaria de subvencións sinaladas nos números 2 e 3 do artigo 10 da Lei 9/2007, do 13 de xuño.

CUARTA.- Orzamento

A previsión do orzamento de gastos para o desenvolvemento das actuacións do proxecto a subvencionar a través do presente convenio é de **40.000,00€**, 13.333,30€ pola Universidade de Santiago de Compostela, 13.333,30€ pola Universidade da Coruña e 13.333,30€ pola Universidade de Vigo.

Segundo a Lei 6/2022, do 27 de decembro, de orzamentos xerais da Comunidade Autónoma de Galicia para o ano 2023, está previsto crédito axeitado e suficiente para poder dar cobertura económica aos compromisos contraídos en virtude deste convenio.

Para o cumprimento da finalidade prevista na cláusula primeira deste convenio a Consellería de Política Social e Xuventude achegará **corenta mil euros (40.000,00€)**, con cargo á aplicación orzamentaria 13.05.312E.444.0, que se distribuirán do seguinte xeito:

Universidade de Santiago de Compostela	13.333,30€
Universidade da Coruña	13.333,30€
Universidade de Vigo	13.333,30€
TOTAL	40.000,00 €

QUINTA. Obrigas das entidades beneficiarias

1. As Universidades de Santiago de Compostela, da Coruña e de Vigo deberán cumprir todos os requisitos necesarios para obter a condición de entidade beneficiaria previstos no artigo 10 da Lei 9/2007, do 13 de xuño, e deberán cumprir as seguintes obrigas, previstas no artigo 11 da mencionada lei:

a) Realizar as actividades que conforman o programa obxecto de subvención ou adoptar o comportamento que fundamenta a concesión da subvención e acreditar a realización do devandito proxecto, así como o cumprimento dos requisitos ou das condicións que determinaron a concesión da axuda. O cumprimento desta obriga de xustificación realizarase nos termos previstos no artigo 28 da Lei 9/2007, do 13 de xuño e no artigo 30 da Lei 38/2003, do 17 de novembro, na normativa regulamentaria de desenvolvemento e no disposto neste convenio.



b) Someterse ás actuacións de comprobación que deba efectuar a Consellería de Política Social e Xuventude a través da Dirección Xeral con competencias en materia de maiores, así como calquera outra comprobación e control financeiro que poidan realizar os órganos de control competentes, tanto nacionais como comunitarios, e achegar canta información lle sexa requirida no exercicio das actuacións anteriores.

c) Comunicar a obtención de subvencións, axudas, ingresos ou recursos que financien as actividades que conforman o proxecto a subvencionar a través deste convenio. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.

d) Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ás entidades beneficiarias en cada caso, así como cantos estados contables e rexistros específicos sexan esixidos no marco do convenio coa finalidade de garantir o adecuado exercicio das facultades de comprobación e control.

e) Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

f) Incluír na publicidade e en todo tipo de documentación e información relacionada coas actuacións do programa obxecto da concesión da subvención a través do convenio e nos lugares onde estas se realicen: "Subvencionado pola Xunta de Galicia – Consellería de Política Social e Xuventude", co seu respectivo logotipo.

g) No deseño e desenvolvemento do programa e das súas actividades obxecto da concesión da subvención a través do presente convenio incorporarase de xeito transversal o principio de igualdade de oportunidades entre mulleres e homes e terase en conta a perspectiva de xénero no seu deseño e execución.

h) Cumprir cantas outras obrigas se deriven da execución deste convenio.

2. Así mesmo, as Universidades de Santiago de Compostela, da Coruña e de Vigo deberán subministrar á Administración autonómica toda a información necesaria para o cumprimento das obrigas previstas no Título I da Lei 1/2016, do 18 de xaneiro de transparencia e bo goberno, coas consecuencias, no caso de incumprimento, indicadas no artigo 4 da devandita lei.

SEXTA. *Compatibilidade con outras subvencións*

A subvención prevista neste convenio é compatible con outras subvencións, axudas, ingresos



ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.

Segundo o previsto no artigo 17.3 da Lei 9/2007, do 13 de xuño, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos para a mesma finalidade procedentes de calquera administración ou entes públicos ou privados, nacionais, da Unión Europea ou de organismos internacionais, supere o custo total da actividade .

SÉTIMA. *Forma de pagamento*

Respecto ao pagamento e forma de xustificación da subvención estarase ao disposto na Lei 38/2003, do 17 de novembro, no Real decreto 887/2006, do 21 de xullo, na Lei 9/2007, do 13 de xuño e no Decreto 11/2009, do 8 de xaneiro.

O libramento farase nas contas correntes da que sexan titulares as entidades beneficiarias nas seguintes condicións:

- a) Efectuarase un pagamento do 40% da totalidade da subvención, con carácter de anticipo a conta da liquidación, unha vez asinado o presente convenio.
- b) O 60% restante farase efectivo unha vez rematadas e xustificadas todas as actividades do programa a subvencionar a través deste convenio

Con carácter previo a calquera pagamento consultarase o cumprimento, por parte das Universidades de Santiago de Compostela, da Coruña, e de Vigo, das obrigas tributarias e coa Seguridade Social e de non ter pendentes de pagamento débedas coa AEAT nin coa Administración Pública da Comunidade Autónoma de Galicia ou de ser debedor por resolución de procedemento de reintegro.

Poderase consultar esta información salvo oposición expresa por parte das entidades beneficiarias, tal e como sinala o artigo 28 da Lei 39/2015, do 1 de outubro, do procedemento administrativo común das administracións públicas, neste caso estas deberán achegar os documentos necesarios para acreditar o seu cumprimento de conformidade co disposto na normativa de subvencións.

OITAVA- *Gastos subvencionables e xustificación*

Son gastos subvencionables os que cumpran os requisitos fixados polo artigo 29 da Lei 9/2007, de 13 de xuño. Para estes efectos, considerarase gasto realizado o que foi efectivamente pagado con anterioridade á finalización do período de xustificación que remata o **10 de decembro de 2023**.

Só se financiarán os gastos xerados no ano 2023 conforme as actividades programadas neste convenio

No momento da presentación da xustificación dos gastos, en todo caso con data límite do **10 de decembro de 2023**, a entidade presentará a seguinte documentación:

a) **Informe-memoria** detallado de cada unha das accións levadas a cabo e/ou as actividades realizadas ao abeiro do programa a subvencionar a través deste convenio, acompañado dunha certificación, asinada pola intervención ou órgano que teña atribuídas as facultades de control da toma de razón en contabilidade, na que se faga constar:

1.º O cumprimento da finalidade da subvención, con especificación das actuacións desenvolvidas en execución do dito programa e dos resultados acadados.

2.º Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguinte relación: identificación da persoa acreedora, número de factura ou documento equivalente, importe, data de emisión e data de recoñecemento da obriga polo órgano competente.

b) **Declaración complementaria do conxunto das axudas** solicitadas, tanto as aprobadas ou concedidas como as pendentes de resolución para estes mesmos fins, das distintas administracións públicas ou doutros entes públicos ou privados.

Cando formen parte da xustificación, documentos de gastos de nóminas ou que comporten ingresos a conta do Imposto sobre a renda das persoas físicas ou cotas por seguros sociais liquidables con posterioridade á data de xustificación correspondentes a 2023, considerarase xustificado coa presentación dunha addenda á certificación da intervención ou órgano que teña atribuídas as facultades de control na primeira quincena de febreiro de 2024.

A falta de presentación da xustificación no prazo establecido comportará o reintegro da subvención, ou da parte proporcional non xustificada, e demais responsabilidades establecidas na Lei 9/2007, do 13 de xuño.

NOVENA. Subcontratación

As Universidades Santiago de Compostela, da Coruña e de Vigo, son as beneficiarias directas da subvención obxecto deste convenio, asumindo a total responsabilidade da execución da actividade subvencionada fronte á administración. Non obstante, autorízase a subcontratación da execución de actividades ata o 40% do importe total das actuacións financiadas a través deste convenio, para a debida execución das actividades programadas, de acordo co recollido na memoria económica.



As Universidades Santiago de Compostela, da Coruña e de Vigo, no seu caso, comunicarán a subcontratación á Dirección Xeral con competencias en materia de maiores da Consellería de Política Social e Xuventude. A estes efectos será de aplicación o establecido no artigo 29 da Lei 38/2003, do 17 de novembro, e 27 da Lei 9/2007, do 13 de xuño.

DECIMA. *Inexistencia de relación laboral*

As Universidades de Santiago de Compostela, da Coruña e de Vigo quedan facultadas para designar o persoal necesario para realizar as actividades do proxecto a subvencionar relacionadas na cláusula primeira deste convenio.

A subscrición do presente convenio non leva consigo ningunha relación laboral nin contractual ~~ningunha~~ entre a Consellería de Política Social e Xuventude e as persoas que realicen as actividades obxecto do programa a subvencionar a través del, de tal xeito que non se lle poderá esixir responsabilidade ningunha, nin directa nin subsidiaria, polos actos ou feitos acaecidos no desenvolvemento do mesmo.

DÉCIMO PRIMEIRA. *Incumprimentos, reintegros e sancións*

Producirase a perda do dereito ao cobro total ou parcial da axuda no suposto de falta de xustificación do cumprimento das actuacións subvencionables a través do convenio, dos deberes contidos nestas cláusulas, dos deberes contidos no artigo 33 da Lei 9/2007, de 13 de xuño, ou na demais normativa aplicable, o que dará lugar á obriga de devolver total ou parcialmente a axuda percibida, así como os intereses de demora correspondentes.

O procedemento para declarar a orixe da perda do dereito de cobramento da axuda e para facer efectiva a devolución a que se refire o apartado anterior será o establecido no Título II da Lei 9/2007, do 13 de xuño.

Sempre que se cumpran os requisitos ou condicións esenciais reflectidos no convenio, a Consellería de Política Social e Xuventude poderá apreciar un incumprimento parcial e deberá resolver sobre o seu alcance, aplicando a mesma ponderación que tivera a condición incumprida no convenio e, se é o caso, establecendo o deber de reintegro.

Cando se trate de condicións referentes á contía ou conceptos do obxecto subvencionable, o alcance do incumprimento determinarase proporcionalmente ao gasto deixado de practicar ou aplicado a conceptos distintos dos considerados subvencionables e, se é o caso, deberán reintegrarse as cantidades percibidas en dita proporción. Con carácter xeral, se o incumprimento superara o 65% da actividade obxecto da subvención, entenderase que dito incumprimento é total, e deberán reintegrarse todas as cantidades percibidas e o seus intereses de demora.



As entidades beneficiarias da subvención regulada nestas bases seralles de aplicación o réxime de infraccións e sancións previstas no Título IV da Lei 9/2007, do 13 de xuño e no Título VI do seu regulamento.

DÉCIMO SEGUNDA *Vixencia e efectos*

O presente convenio estenderá os seus efectos dende a súa formalización e terá vixencia ata o 31 de decembro de 2023.

Non obstante, financiaranse os gastos realizados dende o 1 de xaneiro do presente exercicio, sempre e cando amparen actuacións do programa formativo a subvencionar.

DÉCIMO TERCEIRA. *Obrigas de publicidade*

O presente convenio será obxecto de publicidade e inscrición de conformidade co disposto no artigo 15 da Lei 1/2016, do 18 de xaneiro, e no Decreto 126/2006, do 20 de xullo, polo que se regula o rexistro de convenios da Xunta de Galicia. Así mesmo, será obxecto de publicación e inscrición en cumprimento do disposto no artigo 17 da Lei 1/2016, do 18 de xaneiro, o artigo 15 da Lei 9/2007, do 13 de xuño, e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

As partes asinantes consenten dar publicidade dos seus datos persoais e demais especificacións recollidas no presente instrumento de colaboración no Portal de Transparencia e Goberno Aberto.

De conformidade coa Lei 38/2003, do 17 de novembro, o instrumento de colaboración e a información sobre a subvención serán comunicados á Base de Datos Nacional de Subvencións.

DÉCIMO CUARTA. *Información básica de protección de datos persoais*

As partes asinantes deste convenio garantirán a confidencialidade dos datos persoais aos que teñan acceso como consecuencia das actuacións realizadas en execución deste e de conformidade co disposto na Lei orgánica 3/2018, de 5 de decembro, de protección de datos persoais e garantía dos dereitos dixitais e no Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e a libre circulación de estes datos e polo que se derroga a Directiva 95/46/CE (Regulamento xeral de protección de datos).

Os datos persoais recadados neste procedemento serán tratados na súa condición de responsable pola Xunta de Galicia-Consellería de Política Social e Xuventude coa finalidade de levar a cabo a tramitación administrativa derivada da xestión da concesión directa a través



deste convenio que comprende verificar os datos e documentos que a entidade interesada achegue para comprobar a exactitude destes, levar a cabo as actuacións administrativas que se deriven e informar sobre o estado de tramitación.

O tratamento dos datos baséase no cumprimento dunha misión de interese público ou no exercicio de poderes públicos, conforme ás referencias recollidas no enlace <https://www.xunta.gal/información-xeral-proteccion-datos> derivada dunha competencia legalmente atribuída ao responsable do tratamento, así como o cumprimento das obrigas legais impostas ao dito responsable de conformidade co disposto no artigo 6.1, letras c) e e) do Regulamento (UE) 2016/679 do Parlamento Europeo e do Consello, do 27 de abril de 2016 e o artigo 8 da Lei orgánica 3/2018, do 5 de decembro, e en concreto a competencia e obrigas previstas nos preceptos básicos da Lei 38/2003, do 17 de novembro, da Lei 9/2007, do 13 de xuño, na Lei 39/2015, do 1 de outubro, na Lei 1/2016, do 18 de xaneiro e na Lei 4/2019, do 17 de xullo, de administración dixital de Galicia. Con todo, determinados tratamentos poderán fundamentarse no consentimento das persoas interesadas, reflectíndose esta circunstancia de conformidade coa normativa de aplicación.

A referencia a publicidade, en cumprimento da normativa de transparencia e subvencións, axustarase a dita normativa e coas limitación que esta establece.

Como destinatarios os datos serán comunicados ás administracións públicas no exercicio das súas competencias, cando sexa necesario para a tramitación e resolución dos seus procedementos ou para que os cidadáns poidan acceder de forma integral á información relativa a unha materia.

As persoas interesadas poderán solicitar o acceso, rectificación, oposición, limitación, portabilidade e supresión dos seus datos ou retirar, no seu caso, o consentimento outorgado a través da sede electrónica da Xunta de Galicia, ou nos lugares e rexistros establecidos na normativa reguladora do procedemento administrativo común, segundo se recolle en <https://www.xunta.gal/exercicio-de-dereitos>. O contacto coa persoa delegada de protección de datos e máis información consultarase no enlace <https://www.xunta.gal/proteccion-datos-persoais>.

DECIMO QUINTA *Comisión de seguimento.*

Para o seguimento e coordinación das accións previstas no presente convenio crearase unha comisión mixta e paritaria na que estarán representados cada un dos órganos e entidades asinantes do mesmo. Esta comisión, que se reunirá por petición de calquera das partes, será o mecanismo de actuación conxunta para o seguimento e avaliación das actuacións estipuladas

no presente convenio, e estará formada por dous representantes da Consellería de Política Social e Xuventude e dous representantes de cada unha das Universidades asinantes, designados por cada un dos representantes das partes, así como os suplentes.

A persoa que ocupe a presidencia será unha das persoas representantes da Administración designada pola persoa titular da Dirección Xeral con competencias en materia de maiores.

A persoa que ocupe a secretaría, así como a súa suplencia, será unha persoa adscrita á Dirección Xeral con competencias en materia de maiores, designada pola persoa que asuma a Presidencia, que actuará con voz pero sen voto.

Como órgano colexiado a comisión someterase ao réxime establecido na mencionada Lei 40/2015, do 1 de outubro, do réxime xurídico do sector público, e na Lei 16/2010, do 17 de decembro, de organización e funcionamento da administración xeral e do sector público autonómico de Galicia.

DÉCIMO SEXTA. Réxime xurídico

O presente convenio terá carácter administrativo rexéndose nos seus efectos polo establecido nas súas cláusulas, polo disposto na Lei 38/2003, do 17 de novembro, e no Real decreto 887/2006, do 21 de xullo; na Lei 9/2007, do 13 de xuño, e no Decreto 11/2009, do 8 de xaneiro. No seu defecto, para resolver as lagoas e dúbidas que puideran presentarse, rexerase polo establecido na Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro do 2014, así como pola Lei 40/2015, de 1 de outubro.

A administración gozará de tódalas prerrogativas inherentes á natureza administrativa do convenio.

A subscripción deste convenio debe mellorar a eficiencia da xestión pública, facilitar a utilización conxunta de medios e servizos públicos, contribuír á realización de actividades de utilidade pública e cumprir coa lexislación de estabilidade orzamentaria e sostenibilidade financeira.

As cuestións litixiosas xurdidas acerca da interpretación, modificación e resolución do presente convenio serán resoltas pola Consellería de Política Social e Xuventude poñendo os seus acordos fin á vía administrativa.

Contra elas cabe recurso potestativo de reposición ante o mesmo órgano que ditou a resolución, segundo o previsto no artigo 124 da Lei 39/2015, do 1 de outubro, no prazo dun



mes se a resolución fose expresa, ou se o acto non fora expreso, en calquera momento a partir do día seguinte a aquel en que se produza o acto presunto.

Directamente poderá interpoñer recurso contencioso - administrativo, no prazo de dous meses contados desde o día seguinte á notificación do acto que poña fin á vía administrativa, se fose expreso. Se non o fora, o prazo será de seis meses e contarase, para as entidades interesadas -a partir do día seguinte a aquel en que, de acordo coa súa normativa específica, se produza o acto presunto, de conformidade co disposto na Lei 29/1998, do 13 de xullo, reguladora da xurisdición contencioso - administrativa.

Para tales efectos o tribunal competente será o Tribunal Superior de Xustiza de Galicia.

E en sinal de conformidade coas estipulacións do presente convenio, o asinan ambas partes comparecentes no lugar e data da súa sinatura dixital.

Pola Consellería de Política Social e
Xuventude

Pola Universidade de Santiago de Compostela

A conselleira

O reitor

Fabiola García Martínez

Antonio López Díaz

Pola Universidade da Coruña

Pola Universidade de Vigo

O reitor

O reitor

Julio Ernesto Abalde Alonso

Manuel Joaquín Reigosa Roger